

Jokkorde Pelle Pinal Ngenndiije



Fedde Bambaare demngal
Wolof he nder Muritani
(APROLAWORIM)
tel : 22 46 29 72



Fedde Bambaare Pulaar
he Muritani (FBPM)
tel : 46 96 19 58



Fedde Muritaninaare
Bambaare Demngal e Pinal
Sooninkoobe (AMPLCS)
tel : 46 40 03 69

Bayyinaango

Ko faati he sariya kuccam jaŋde

Suudu sardi Benninii sariya kuccam jaŋde ngenndi ndii. He dow bismaango Jaagorgal Jaŋde ngenndi e mbayliigu Tippudi Nehdi e Jaŋde, Jokkorde pelle pinal pulaar, sooninke e wolof tawtoraama haa timmi jodle diiwaaniyankooje e ngenndiije jowitiide he diisnondiral paatungal he mbayliigu jaŋde. Ngool tawtoregol ubbitiino golle Dudal demde ngenndiije (DDNg), addani yimbe heewbe tawtoranoobe ñaldi dii jaŋde joggol naattingol demde ngenndiije pulaar, sooninke e wolof nder Tippudi Nehdi e Jaŋde Ngenndi ndii.

Caggal duum, kawritte keewde e batakkeji e jokkondire baddaade e jaagorgal ngal, kam e wasiyaaaji di Jokkorde pelle dee sakkitnoo he kala heen daawal binndugol sariya kaa, haa huunde e wasiyaaaji dii teskaa (*Kuulal 7 paatungal he donje ekkol oo, Kuulal 55 paatungal he jaŋde mawbe, huunde e taye Kuulal 65, e yeru*) mballitii moyŋitinde mo seeda.

Nii woni, Jokkorde pelle dee, gaa gaa gede jawniide kam e jilbooje gonde he sariya kaa, kam fof kadi e sunaade ko Parlemaan oo waasi teskaade huunde e wasiyaaaji badanoodi he nder winndannde sakkitiinde ndee, ine hebtini wonde gooto he hujjaaji didi (2) dowrowi dallinannde pelle dee jabaama, hono naattingol demde pulaar, sooninke, e wolof he nder Tippudi Nehdi e Jaŋde leydi ndii, no demde jannginirde e no demde jokkondiral nii, ko jiidaa e cosgol « njubbudi kalfinaandi dowde yellitgol demde ngenndiije kam e ciynugol jaŋde dee demde ».

Jokkorde pelle dee, caggal teenjtingol hebaare mum wallitde oo silsil no doole mum potiri, ine dabbi he laamu nguu nde wadata heen yimbe e kabirde e ngalu katojinaangu ngam moyŋinde golle dee, ine dabba he denndaangal dilloobe heen bee nde ngaddata heen ballal mum en mbele ko huccanaa koo ine laato.

Jokkorde pelle dee ine dabbi he denndaangal woŋaabe ndee Ebbaannde, tuggan maa ko adii fof pelle pinal dee, nde beydata darnde e pellital nder hare habetee ngam yettinde hujjaaji goddi dii, haa teenji noon e laawdingol demde pulaar, sooninke e wolof.

Nuwaasoot, ñalnde 8 juko 2022

Jokkorde pelle pinal